

Ufficio Stampa della Provincia autonoma di Trento
Piazza Dante 15, 38122 Trento
Tel. 0461 494614 - Fax 0461 494615
uff.stampa@provincia.tn.it

COMUNICATO n. 3037 del 30/09/2022

Traduzione in mòcheno

Guatkemmen en Euregio! De tovl'n za leing en de Gamoa'n barn kemmen tschrim gor en de sproch va minderhait

“Zòmmòrbet Gamoa'n Euregio” ist an projekt bou as mòchen toal mearer òrbetn as de inrrichtn van drai ourtn mòchen zòmm. Ver za schaung a toal projekt gamòcht ont de sèlln za mòchen zòmm en òlla de Gamoa'n van Euregio, ist kemmen gamòcht, no de Junta van GECT van pfinsta as de 29 van leistung ka Sèn Jan/San Giovanni va Fassa, an trèff van presidetn van Schòftn van Gamoa'n van drai ourtn. En de glaich sitz van GECT, ver za giltn de òrbet van lokal inrrichtn drinn en Euregio, ist kemmen u'ganommen der projekt va abia as barn kemmen gamòcht de tovl'n va guatkemmen en Euregio ver za versichern sèll as ist patschrim en de regln va iatn ourt, asou za derretn òlla de ausòdern dinger van sprochminderhait.

Der model van tovl'n kònn't guat gea' ver òll noat van Gamoa'n noch en plòtz bou as de kemmen galeik en ourt. No as de kemmen u'ganommen van provinzalamministrazionien, de gamoa'n barn meing leing de tovl'n.

Gor der doi projekt hòt tsechen de mitòrbet van Schòftn van Gamoa'n van Euregio, as hom galòk leing a tovl va guatkemmen, pet tschrim de zòmmòrbetn pet òndra lander as sai', en òlla de Gamoa'n as en 2021 hom pfrock.

Ibersetz gamòcht van Sprochtirl va de Tolgamoa'schòft Hoa Valzegu' ont Bersntol
(Traduzione a cura dello Sportello linguistico della Comunità Alta Valsugana e Bersntol)

(cdt)